

# CYNGOR CYMUNED LLANLLECHID LLANLLECHID COMMUNITY COUNCIL

Clerc

*Clerk*

**Caroline Jones**

01248 602131

[CyngorLlanllechid@ogwen.org](mailto:CyngorLlanllechid@ogwen.org)

26 Stryd Fawr

Bethesda

Gwynedd

LL57 3AE

**Cofnodion Cyfarfod Cyffredinol a gynhaliwyd yn Festri Capel Bethlehem, Talybont  
ar nos Iau y 11fed o Orffennaf am 1830yh.**

## **1. Trafodaeth gyda Meleri Davies a Donna Watts, Partneriaeth Ogwen.**

Cafwyd cyflwyniad am waith Partneriaeth Ogwen yn yr ardal, gan gynnwys prosiectau Yr Hen Bost, Cludiant Cymunedol, Hwb Ogwen a Chanolfan Cefnfaes. Yn ogystal a rhai o'r brosiectau llai.

Cafwyd cyfle i drafod cefnogaeth yr hoffem ei gael at Gae Chwarae Talybont, cymorth i ymgeisio am grant Loteri a Chynnal a Cadw ardaloedd gwyrdd (y planters).

Hefyd, trafod y syniad o gynnal gweithgareddau i blant ar y Cae Chwarae neu gynnal digwyddiadau yn Festri'r Capel.

## **2. PRESENNOL:**

### **Ward Llanllechid Isaf**

Y Cynghorydd Wyn Bowen-Harris

Y Cynghorydd Alun Thomas

Y Cynghorydd Robin Williams

Y Cynghorydd Evan Jones

Y Cynghorydd Rhydian Williams

### **Ward Llanllechid Uchaf**

Y Cynghorydd Jên Morris

Y Cynghorydd Kevin Williams

Y Cynghorydd Dafydd K Jones

Croesawyd pawb i'r cyfarfod gan yr Is-Gadeirydd, Y Cyng. Rhydian Williams.

## **3. Ymddiheuriadau**

Y Cynghorydd Geraint Hughes

Y Cynghorydd Lowri Evans

Arwyddwyd gan y Cadeirydd \_\_\_\_\_

#### 4. Cofnodion

Penderfynwyd derbyn a chadarnhau cofnodion y cyfarfod a gynhaliwyd ar yr 13fed o Fehefin 2024.

#### 5. Materion yn codi o'r cofnodion

**5.1 Twll yn y ffordd ger Wern Bach** – Mae cyfarfod wedi ei gynnal gyda'r perchennog tir. Maent wedi cytuno manylion y gwaith ar lafar a bydd yr Uwch Beiriannydd yn gwneud trefniadau i fesur y gwaith a chael gwaith papur megis gorchymyn cau'r ffordd mewn lle i gyflawni'r gwaith. Cytynwyd i **dynnu** oddi ar y cofnodion.

**5.2 Arwyddion Maes y Groes** – Adroddwyd Y Cynghorydd Dafydd Meurig fod aelod o staff Cyngor Gwynedd yn gyflogedig i edrych ar enwau lleoedd. Drwy hyn mae'r Cyngor wedi cytuno i osod yr arwyddion. Y Cyng. Dafydd Meurig am drafod lleoliad gosod yr arwyddion gyda'r Cyng. Evan Jones. Dim diweddariad. Y Clerc i ddilyn i fyny.

**5.3 Arwyddion Cyflymder Maes y Groes** – Trafodwyd ffigyrau mesur cyflymder a dderbynwyd gan Andrew Gregson, Cyngor Gwynedd. Dyddiadau yr arolwg 15/12/2023 – 21/12/2023. Nid yw cyflymder y cerbydau yn peri pryder i'r adran. Er hynny mae'r canlyniadau yma wedi ei gyrru ymlaen i Tim Ganbwyl, Heddlu Gogledd Cymru am adborth. Y Clerc i rannu rhif ffôn Y Cyng. Evan Jones gyda Mr Andrew Gregson. Y Clerc i ddilyn i fyny.

**5.4 Bin Halen Bryn Derwas** - Ymateb gan Mr Ian Morgan 8/12/23. Ceisiadau am finiau halen o'r newydd dal yn cael eu cysidro, oherwydd nifer y ceisiadau mae'n cymryd amser i weithio drwyddynt i gyd. Y Clerc wedi cysylltu gyda Gwynedd i adrodd fod dwr yn llifo i lawr o Bryn Derwas yn gyson. 16/1/24. Ebst wedi ei yrru i Ian Morgan ar yr 8/3/24. Dim diweddariad. Y Clerc i ddilyn i fyny.

**5.5 Safle bws Talybont** - Y Cyng Wyn Bowen Harris wedi bod yn llwyddiannus gyda cais grant am £500 gan 'Gwynedd Creadigol'. Cafwyd cyfarfod gyda plant lleol, a'r artist lleol, Elen Williams yn Festri Capel Bethlehem ar ddydd Sadwrn 25fed o Fai. Elen Williams am greu y darlun cyn trefnu sesiwn arall.

**5.6 Dwr yn llifo Chwarel y Bryn** – Cyfarfu Eilir Morgan, Cyngor Gwynedd a'r Cyng Kevin Williams yn y safle. Mae'r gwaith ar rhestr gwaith Cyngor Gwynedd. Y Cyng. Kevin Williams am ail gysylltu gyda Mr Morgan am ddiweddariad.

**5.7 Tyllau yn y ffordd a dwr yn codi Lôn Aber Ogwen a Ty'n Hendre** – Cyfarfu Eilir Morgan, Cyngor Gwynedd a'r Cyng Kevin Williams yn y safle. Mae'r gwaith ar rhestr gwaith Cyngor Gwynedd. Y Cyng. Kevin Williams am ail gysylltu gyda Mr Morgan am ddiweddariad.

**5.8 Dwr ar y ffordd Coed Uchaf, Lôn Goed** - Mae'r gwaith hwn dal angen ei gwblhau ac yn parhau ar raglen waith Cyngor Gwynedd. Mae'r Uwch Beiriannydd wedi nodi bod angen cryfhau ymyl y ffordd mewn cwpwl o safleoedd yn ogystal a gwaith ffosio.

**5.9 Diffyg biniau baw ci ar lwybr beicio Wîg a diffyg bin yn y Gilfan gyferbyn ar yr A55** – Y Clerc wedi bod mewn cysylltiad gyda Mr Peter Simpson, Rheolwr Gwasanaethau Stryd. Y sefyllfa bresenol yw nad yw'n glir pwy sydd gyda cyfrifoldeb dros y llwybr beicio a'r man tynnu mewn. Y Cyng. Dafydd Meurig am gysylltu gyda Mr Simpson am ddiweddariad.

**5.10 Tai i bobl lleol** – Llythyr wedi ei hanfon at Mr Gibbard a'r Cynghorydd Siencyn yn codi pryderon sydd gan Cyngor Cymuned Llanllechid am dai fforddiadwy yn Nyffryn Ogwen. Derbynwyd ymateb yn egluro y byddent yn darparu ateb llawn ar ôl cael cyfle i ystyried y cynnwys.

**5.11 Ysbwriel** –Swyddog Cynhaliaeth wedi codi ysbwriel ar y ffordd rhwng sgwâr Llanllechid a Chwarel Bryn. Disgwyl anfoneb.

**5.12 Ffens bren ger pont Allt Ty'n Hendre** – Ffens wedi pydru. cafodd y mater yma ei drosglwyddo i sylw ei'n swyddogion strwythurau ar y pryd oherwydd y gylfat gyfagos. Mae'r rel uchaf i weld wedi ei ddifrodi oherwydd bod garreg coping wedi disgyn arno, ond nid yw'n cyflwyno perygl i ddefnyddwyr y ffordd yn ei gyflwr presennol. Mi wneith yr arolygwr codi archeb i adnewyddu'r ffens unai drwy osod coed newydd neu ail-osod y coed presennol, ac ail-osod y garreg coping yr un pryd. (8/2/24). Heb ei thrwsio hyd yn hyn. Y Clerc i ddilyn i fyny.

**5.13 Bin wrth Mynwent Llanllechid** - wedi ei thynnu lawr. Adroddiad wedi ei yrru ymlaen i Wasanaeth Gwarchod y Cyhoedd Cyngor Gwynedd 5/3/24. Y Clerc i ddilyn i fyny. Ebost wedi yrru 13/6/24 yn gofyn am ddiweddariad.

**5.14 Tipio anghyfreithlon**-Mae Warden Gorfodaeth Stryd wedi bod allan yn edrych ar y safle. Nid oedd eitemau yno ar y pryd. Cyтынwyd i **dynnu** oddi ar y cofnodion.

**5.15 Adran Addysg Cyngor Gwynedd**- Mae'r achos yn ymwneud â chyn bennaeth Ysgol Friars, Neil Foden a'r effaith ddofn ar yr ardal leol. Ebost wedi ei anfon at brif weithredwr Cyngor Gwynedd. Ymateb wedi ei dderbyn, gweler eitem 9 yn y gohebiaeth. Penderfynwyd nid oes angen ymateb ac i **dynnu** oddi ar y cofnodion.

**5.16 Cae Rhosydd** Trafodwyd stad tai Cae Rhosydd yn nghyfarfod Mis Mai. Adroddwyd fod nifer fawr o'r trigolion wedi symud o stad cyfagos, Maes Bleddyn. Mae'r tai gweigion ym Maes Bleddyn rwan ar restr adnewyddu. Nid oedd y ffigyrau gan Y Cyng. Dafydd Meurig wrth law ond credai fod un disgybl wedi symud i ysgol Llanllechid. Y Clerc i geisio can diweddariad ar demograffeg y stád, a'r nifer o dai gwag yn stád Maes Bleddyn.

Y Clerc wedi gyrru ebost at ADRA am ddiweddariad ar demograffeg y stád, a'r nifer o dai gwag yn stád Maes Bleddyn. Wedi cyfeirio'r ymholiad ymlaen at adran cywir.

**5.17 Giat Mynydd Rachub** Giât traddodiadol wedi ei osod, gyda giât mochyn wrth ei ochr. Cyтынwyd i **dynnu** oddi ar y cofnodion

**5.18 Lon Wig** Adroddwyd fod terfyn cyflymder y llwybr yn 60mya, gyda cerddwyr, beicwyr a cerbydau ar yr un llwybr. Y Clerc wedi derbyn ymateb gab Traffig Cymru.

'Mae eich ymholiad yn cael ei ystyried fel mater gweithredol, ac mae angen anfon ymateb manwl atoch. Rydym wedi anfon eich ymholiad at yr Asiant Cefnffyrdd Gogledd a Chanolbarth Cymru. Byddant yn ymateb yn uniongyrchol o fewn 20 diwrnod gwaith'

### 5.19 Tai Fforddadwy Botwnnog

Adroddwyd fod erthygl yn rhifyn mis Mai o 'Llanw Llŷn.' Nodwyd gwrthwynebiad cryf at ddatblygiad Cae Capel. Llythyr yn tynnu sylw Cyngor Cymuned Botwnnog at achos Cae Rhosydd wedi ei yrru. Derbynnwyd ymated gan Y Cyng. Gareth Williams, yn gofyn a fydda ni'n hapus iddo rannu ein llythyr gyda'r Swyddog Cynllunio yn Cyngor Gwynedd sy'n edrych ar y cais. I'w trafod.

## 6. Adroddiad Cyngor Sir

Dim adroddiad.

## 7. Taliadau

Awdurdodwyd y canlynol;

|                    |                                                             |           |
|--------------------|-------------------------------------------------------------|-----------|
| ROSPA              | Archwiliad Cae Chwarae Talybont                             | £122.40   |
| Partneriaeth Ogwen | Gwasanaeth Clercio/Datblygu Cymunedol<br>Ebrill - Medi 2024 | £5,035.21 |
| Evan Jones         | Petrol i'r Mower                                            | £52.08    |
| Rhydian Williams   | Petrol i'r Mower                                            | £17.69    |
| Cyfrif Mynydd      |                                                             |           |
| Cneifio cyflym     | Rhodd                                                       | £100      |

## 8. Y Mynydd

PCSO Rhys Evans o adran Troseddau Gwledig yr Heddlu yn awyddus i ymuno ac un cyfarfod. Y Clerc i'w gwahodd i gyfarfod nes ymlaen yn y flwyddyn.

Ffigyrau dyraniad y mynydd wedi ei derbyn gan yr adran Taliadau Gwledig Cymru, Caerfyrddin. Y Clerc i yrru llythyrau i'r porwyr Mis Medi.

Trafodwyd yr angen i annog ffermwyr ifanc i'r mynydd. Y Cyng. Wyn Bowen Harries i ddrafftio llythyr i'r porwyr yn awgrymu newid yn y rheolau mynydd i gynnwys cymal ar gyfer ffermwyr ifanc. Y llythyr hefyd i gynnwys yr awgrymiad o greu 'Cymdeithas Porwyr'. Porwyr i yrru sylwadau yn nol i'r Clerc.

Arwyddwyd gan y Cadeirydd \_\_\_\_\_

## **9. Cae Peldroed/Cae Chwarae Talybont**

**9.1** Cyfarfu Y Cynghorwyr Evan Jones a Wyn Bowen Harries a Sion Eifion Jones (Swyddog Prosiect Cymunedol, ADRA) a Michael Evans (Cydllynydd Rheoli Tir, ADRA). Mae ADRA yn cyflwyno grant hyd at £1,000 tuag at brosiectau cymunedol. Ond, bydd raid i'r cais ddod gan banel etholedig o'r gymuned wedi ei gofrestru ac efo cyfansoddiad a chyfrif banc. ADRA am wirio hyn. Gallai'r man parcio fod yn broblemus o safbwynt hawl cynllunio ond i gysylltu â Steffan Jones, Uwch Reolwr Priffyrdd i drafod hyn. Disgwyl diweddariad. Cafwyd cadarnhad nid oes cyfleustodau ar y cae. Y Clerc wedi gyrru copi o'r cynlluniau i'r Cyng Dafydd Meurig.

**9.2 Contractwyr** - Cafwyd rhai dyfynbrisiau gan contractwyr am y gwaith. Yn aros am ddyfyniadau pellach. Dim diweddariad.

**9.3 Parcio** – Y Cyng. Evan Jones am wneud ymholiadau ynglyn a oes angen hawl cynllunio. Y Clerc i yrru cynllun y Cae chwarae/Maes Parcio i'r Cyng. Dafydd Meurig. Dim diweddariad.

## **10. Llyfrgell Cymunedol/ Community library**

Mae Partneriaeth Ogwen yn disgwyl ymateb gan gwmni cyfleustodau Octopus cyn llunio adroddiad am gostau annisgwyl trydan y Llyfrgell.

## **11. Gohebiaeth**

Roedd pawb wedi derbyn copi o'r rhestr 'crynodeb o ohebiaeth Gorffennaf 2024'

Adroddiad ROSPA Cae Chwarae Talybont- Dim sylwadau

## **12. Adroddiadau gan Gynrychiolwyr**

Dim.

## **13. Ceisiadau a phenderfyniadau Cynllunio**

### **C21/0078/21/CC**

Ogwen Bank, Bethesda

Torri a thocio coed sy'n destun gorchymyn gwarchod coed 3/TPO/GCC/17 (ail-gyflwyniad a diweddariad o gais rhif C20/0154/21/CC)

**Penderfyniad:** Ar y gweill.

### **C21/0099/21/CC**

Ogwen Bank, Bethesda

Mesurau i ddiogelu coed a gorchymyn coed arnynt yn ystod gwaith i uwchraddio'r parc

carafanau

**Penderfyniad:** Ar y gweill.

### **C23/0382/21/DT**

Fferm Tyddyn Isaf, Tal Y Bont, Bangor

Dymchwel adeilad allanol ar ochr yr adeilad (adfail) a chodi estyniad newydd ar yr ochr a lolfa haul ar cefn ty annedd.

**Penderfyniad** Ar y gweill

### **C24/0452/21/CC**

Ogwen Bank, Bethesda

Gwaith i goed sy'n destun Gorchymyn Gwarchod Coed

**Penderfyniad** Ar y gweill

Hoffai'r Cynghorwyr wrthod cefnogi'r cais hyd nes bod cynlluniau mewn lle i ailblannu coed.

## **Ceisiadau Newydd**

Dim

## **14. Materion Brys/Eraill**

- Tyllau yn y ffordd Eglwys Maes y Groes – Y Clerc i adrodd i Gyngor Gwynedd
- Coeden wedi syrthio tu ol i Tan Marian. - Y Clerc i adrodd i Gyngor Gwynedd/Stad Penrhyn
- Mynwent Llanllechid - Y Clerc i wneud ymholiadau am dorri y gordyfiant.
- Torri Cloddau – Safon yn sâl flwyddyn yma.
- Torri gwair Bro Emrys – Y Clerc i gael dyfynbrisiau am y gwaith.
- Dragon's back race – trefnwyr y ras am gysylltu gyda Y Cyng. Kevin Williams yn uniongyrchol. Y trefnwyr yn hapus i wneud rhodd at prosiect celf Talybont.

## **15. Adroddiad Llais Ogwan**

Diolch i Meleri a Donna am ymuno a'r cyfarfod.

Diweddarau ar gwaith celf gorsaf bws Talybont.

Lluniau y mower.